

## ما هي محتويات الكتاب المقدس؟

محمد شاهين التابع

بسم الله الرحمن الرحيم. السلام عليكم ورحمة الله وبركاته. اهلا بكم في الفيديو الثاني من سلسلة مدخل الى دراسة الكتاب المقدس. وتعالوا نشوف السؤال اللي احنا نجاوب عليه النهاردة الكتاب المقدس يحتوي على مجموعة الكتب المقدسة الخاصة بالمسيحيين -

[00:00:00](#)

الكتاب المقدس كاسم كبير بيضم تحت منه مجموعة كبيرة جدا من الكتب. الكتاب المقدس متقسم لقسمين. قسم اسمه العهد الجديد وقسم اسمه العهد القديم. العهد الجديد مجموعة الكتب المقدسة المسيحية اللي اتكتبت بعد رفع المسيح عليه السلام. ودي -

[00:00:29](#)

في غاية الاهمية كتب مقدسة مسيحية اتكتبت بعد رفع المسيح عليه السلام. لان من ضمن العهد الجديد بناقيا الاناجيل الاربعة مئة مرقص لوقا يوحنا. والاناجيل الاربعة غير انجيل المسيح. غير الانجيل اللي نزل على المسيح عليه السلام. فبالتالي مهم ان احنا نعرف

[00:00:49](#) -

ان الكتاب المقدس متقسم لقسمين العهد الجديد والعهد القديم مجموعة الكتب المقدسة المسيحية اللي اتكتبت بعد رفع المسيح عليه السلام للساما. لكن العهد القديم الكتب المقدسة اليهودية اللي اتكتبت قبل بعثة المسيح عليه السلام - [00:01:09](#)

فبالتالي القسم بتاع العهد القديم الكتب المقدسة اليهودية اللي اتكتبت قبل بعثة المسيح عليه السلام دي مجموعة كتب بيؤمن بيؤمن بها اليهود والمسيحيين مع بعض. لكن العهد الجديد مجموعة كتب مقدسة مسيحية ما بيؤمنش بها اليهود. اتكتبت بعد - [00:01:31](#)

رفع المسيح عليه السلام الى السماء الكتاب المقدس بيحتوي على مجموعة كتب مختلفة جدا جدا بعكس ما بيدعي المسيحي ان الكتاب المقدس بالكامل موحى به من الله فبالتالي لما بتقرا الكتاب المقدس من بدايته والى نهايته بتحس فيه - [00:01:51](#)

بنفس الروح الواحدة لانه كله كلام ربنا وبتحس انه متناغم ومتناسق. الكلام ده غير حقيقي. اي حد بيقرأ الكتاب المقدس من والى نهايته هيعرف ان الكتاب المقدس مجموعة كتب مختلفة جدا جدا - [00:02:10](#)

غريبة جدا ومحيرة جدا وتصل في كثير من الاحيان الى درجة التناقض الكتاب المقدس بيحتوي على مجموعة كتب منسوبة لمؤلفين كثر جدا ومختلفين جدا جدا المسيحيين بيؤمنوا ان الكتاب المقدس بعهديه القديم والجديد منسوبة يا اما الى انبياء بني

[00:02:26](#) اسرائيل يا اما الى -

المسيح عليه السلام فبالتالي مثلا المسيحيين بيؤمنوا ان العهد القديم بيحتوي على توراة موسى وبيحتوي على كتب منسوبة للانبياء زي سيدنا داود وسيدنا سليمان وانبياء كثر جدا ما نعرفش اساميهم زي اشعيا وارميا وناس تانية كثير - [00:02:50](#)

فبالتالي بما ان الكتاب المقدس منسوب لمؤلفين كثر جدا ومختلفين بنجد بسبب تنوع المؤلفين الكتاب قدس مجموعة كتب مختلفة جدا جدا في نقطة في غاية الاهمية لازم نشير اليها الا وهي ان المسيحي ما بيقدرش يحدد - [00:03:09](#)

قد ايه عدد المؤلفين الذين اشتركوا في كتابة الكتاب المقدس لو قلبنا في المراجع المسيحية هنلاقي ان معظم المؤلفين المسيحيين بيقولوا ان الكتاب المقدس اتكتب عن طريق اربعين مؤلف او بواسطة حوالي اربعين مؤلف - [00:03:31](#)

ما بيقدرش يقول بالزبط كان مؤلف. هل هم تسعة وثلاثين؟ هل هم اربعين؟ هل هم واحد واربعين؟ اتنين واربعين ثلاثة واربعين اربعة واربعين. ما بيقدرش يحدد رقم معين شارب ودي - [00:03:52](#)

مشكلة كبيرة جدا جدا هندرسها باستفاضة فيما بعد ان معظم مؤلفي اصفار او مؤلفي الكتب المقدسة الموجودة في الكتاب المقدس

معظمهم مجاهيل ما نعرفش عنهم اي حاجة. المسيحي بيعتقد ان سيدنا موسى هو اللي كتب السفر ده. او سيدنا سليمان هو اللي كتب السفر ده. او سيدنا داود هو اللي كتب - [00:04:06](#)

الصفحة ده في الواقع ده مش حقيقي. هو بيفترض ده لكن هو ما عندوش دليل ان فعلا سيدنا موسى كتب الاسفار المنسوبة له او سيدنا ان سليمان او سيدنا داود او غيرهم من انبياء بني اسرائيل هم اللي كتبوا هذا الكلام. نفس الكلام بالنسبة للعهد الجديد. المسيحي بيعتقد ان - [00:04:30](#)

انا جيل كتبها تلاميذ المسيح وان دي رسايل كتبها تلاميذ المسيح ودي رؤية كتبها تلميذ المسيح هو بيفترض ده. ده ايمانه لكن لما بنيجي لما بنيجي ندرس الموضوع ده من ناحية تاريخية من خلال الادلة والبراهين بنكتشف ان كتبت الاناجيل احنا - [00:04:50](#) ما اعرفهمش كتبت معظم الرسايل احنا ما نعرفهمش. كتبت معظم اسفار الكتاب المقدس مجاهيل وما نعرفش عددهم تحديدا النقطة دي هنتكلم عنها باستفاضة في فيديوهات قادمة باذن الله الكتاب المقدس بيحتوي على مجموعة كتب تم كتابتها لمدة اكثر من الف سنة - [00:05:10](#)

المسيحي بيؤمن ان اول كتب في الكتاب المقدس توراة موسى عليه السلام. فيه خلاف سيدنا موسى عاش امتي؟ هل عاش في القرن التلاتشر قبل الميلاد القرن الخمستاشر قبل الميلاد. القرن الستاشر قبل الميلاد ايا كان. بنحسب من اول سيدنا موسى عليه السلام عاش امتي - [00:05:33](#)

لغاية اخر كتاب من الكتب المقدسة الموجودة في الكتاب المقدس اتكتب امتي؟ فبالتالي لو قلنا اول نقطة سيدنا موسى عليه السلام القرن الخمستاشر قبل الميلاد، وبعدين اخر نقطة كتاب اسمه سفر الرؤية منسوب لتلميذ من تلاميذ المسيح اتكتب في اواخر القرن الاول الميلادي. يبقى - [00:05:53](#)

انت عندك خمستاشر قرن خمستاشر قرن وقرن زيادة. يبقى الكتاب المقدس اتكتب على مدار الف وستميت سنة. ممكن اكثر ممكن اقل سنة لكن مدة ما تقلش عن الف سنة بحال من الاحوال. هذه المدة الزمنية الطويلة جدا ادت الى ان الكتب المقدسة - [00:06:15](#) اللي اتكتبت في هذه المدة الزمنية بقت كتب مختلفة جدا جدا عن بعضها البعض. وايضا بناقاي بسبب هذه المدة الزمنية الطويلة بناقاي في مساحة كويسة جدا جدا ان هذه الكتب المقدسة تتحرف اثناء انتقال نصها تاريخيا - [00:06:38](#)

وده هندرسه بالتفصيل فيما بعد. لكن لازم ناخذ بالنا ان المسافة الزمنية اللي اتجمع فيها اسفار الكتاب المقدس او اللي كتب فيها اسفار الكتاب المقدس بشكل عام. اول كتاب اتكتب في القرن الخمستاشر قبل الميلاد اخر كتاب اتكتب في اواخر القرن الاول الميلادي - [00:07:00](#)

عندنا الف وستميت سنة مسافة زمنية هل الالف وستميت سنة دول على بال ما الكتاب كله اتجمع واتكتب. الكتب فضلت زي ما هي ما حدش لعب فيها ما حدش اضاف عليها - [00:07:20](#)

ما حدش حذف منها. ما حدش بدل وغير فيها. هندرس الكلام ده باستفاضة فيما بعد الكتاب المقدس يحتوي على مجموعة كتابات كتبها مؤلفين من درجات ثقافية مختلفة جدا جدا ومن بيئات مختلفة جدا - [00:07:34](#)

المسيحيين بيعتقدوا مثلا ان بولس كاتب بعض الرسايل اللي موجودة في العهد الجديد كان فيلسوف وكان قارئ وكان مطلع وكان مثقف اكيد الشخص القارئ المطلع المثقف ده كتاباته هتكون مختلفة عن راعي الغنم كتابات وهتكون - [00:07:52](#) تلف عن صياد السمك كتاباته هتكون مختلفة عن الملك الاديب الفيلسوف الحكيم. وهكذا. فيما ان الكتاب المقدس بس آآ مجموعة كتب مقدسة اتكتبت بواسطة مؤلفين مختلفين عاشوا في ازمنة مختلفة. درجات - [00:08:12](#)

وتعليمهم وبيئاتهم كانت مختلفة. ده ادى الى ان الكتب المقدسة بقت مجموعة من الكتب المختلفة جدا جدا الكتاب المقدس يحتوي على الكتب المقدسة اللي بعضها مكتوبة باللغة العبرية مع بعض المقاطع بالارامية وبعض الكتب المقدسة المكتوبة باللغة اليونانية - [00:08:32](#)

اختلاف اللغات اللي اتكتبت بها اسفار الكتاب المقدس كان من ضمن اسباب ان الكتب المقدسة دي اصبحت مختلفة جدا جدا فبالتالي

الكتب المقدسة اللي احنا بنقراها بالعربي دي مجرد ترجمات - [00:08:56](#)

ترجمات مش بنقرا النص الاصلي باللغة الاصلية اللي اکتبت بها هذه الاسفار. فبالتالي العهد الجديد مكتوب بالكامل لغة اليونانية في العهد القديم بعض الاسفار مكتوبة ايضاً باللغة اليونانية لكن الغالبية العظمى من اسفار العهد القديم - [00:09:12](#)

مكتوبة كلها باللغة العبرية مع بعض المقاطع البسيطة المكتوبة باللغة الارامية واللغة الارامية لغة شقيقة قريبة جداً من اللغة العبرية. فبالتالي الكتب المقدسة بما انها مكتوبة بلغات مختلفة ادى الى ان الكتب نفسها بقت كتب مختلفة جداً - [00:09:32](#)

جداً الكتاب المقدس يحتوي على مجموعة كتب بتتنتمي الى اشد انواع الفنون اختلافاً. يعني ايه يعني الكتاب المقدس فيه كتب تاريخية. وفيه كتب حكم وفلسفة. وفيه كتب شعر وفيه كتب قصص. وفيها - [00:09:52](#)

وفيها رؤى. انواع كثيرة جداً من الاداب والفنون الادبية المختلفة. آآ منسوبة لها اسفار الكتاب المقدس فبالتالي لما انت تقرا كتب تاريخية غير لما تقرا كتب آآ قصص غير لما تقرا كتب اشعار. لما تلاقي كتاب واحد الكتاب - [00:10:11](#)

مقدس مجمع كتب مختلفة كثيرة جداً من هذه الانواع والفنون الادبية المختلفة بتحس ان هذه المجموعة من الكتب مختلفة جداً جداً عدد الاسفار المقدسة الموجودة في الكتاب المقدس مش واحد ما بين كل المسيحيين. دي مسألة هنتكلم عنها باستفاضة اكثر في فيديوهات قادمة - [00:10:33](#)

لكن لازم نعرف ان محتوى الكتاب المقدس مش واحد عند كل المسيحيين. احنا قلنا ان الكتاب المقدس مكتبة كبيرة يعني عدد كبير من الكتب ممكن تلاقي ان فيه كتاب مقدس فيه ثلاثة وسبعين كتاب ممكن تلاقي كتاب مقدس فيه ستة وستين كتاب - [00:10:56](#)

ممكن تلاقي كتاب مقدس فيه واحد وتمانين كتاب. وفيه اختلافات اخرى في عدد الكتب وفي محتوى الكتاب المقدس كمنص. يبقى دي نقطة لازم نعرفها كويس قوي ان الكتاب المقدس مش واحد في كل العالم. لاسباب كثيرة هندرسها فيما بعد - [00:11:16](#)

لكن ابسط اختلاف بتقدر تجده في نسخ الكتاب المقدس عدد الكتب هتلاقي الاورثودوكس عدد الكتب المقدسة بتاعتهم مختلفة عن عدد الكتب المقدسة عند البروتستانت مختلفة عن عدد الكتب اللي موجودة عند الكاثوليك بحسب الطوائف - [00:11:33](#)

الكنائس المختلفة في معظم الكنائس الارثوذكسية والكاثوليكية متفقين على ان الكتاب المقدس ثلاثة وسبعين كتاب. والبروتستانت متفقين على ان الكتاب المقدس ستة وستين كتاب. فبالتالي يبقى محتوى الكتاب المقدس مش واحد عند كل الطوائف - [00:11:54](#)

محتوى الكتاب المقدس محتوى غريب جداً جداً ومحير ساعات بتلاقي قصص تاريخية ليست لها اي فائدة. ساعات بتلاقي قصص غير اخلاقية تتكسف تقراها قصاد الناس ساعات بتلاقي اخبار عن حروب واعتداءات وقتل وسفك دماء وامر غريب جداً جداً تشمئز منها النفس - [00:12:14](#)

وفي بعض الاحيان بتجد كلام كتير جداً جداً ما بتستفيدش به ابدا ابدا في حياتك الروحية. فيه ملزمة ممكن نرجع اليها علشان نطلع على بعض توايات الكتاب المقدس الغريبة جداً والمحيرة الملزمة اسمها الكتاب المقدس كتاب غريب ومحير هتلاقوا الرابط في اسفل الفيديو - [00:12:39](#)

في النهاية عايز اقول ان في واجب المفروض نقراه الواجب هيكون من ملزمة فكرة شاملة عن الكتاب المقدس ورابط الملزمة هيكون اسفل الفيديو. الفيديو الاولاني الواجب ان احنا نقرا الاقتباسات - [00:13:02](#)

اللي موجودة في صفحة اربعة من الملزمة واجب النهارده ان احنا نقرا الاقتباسات الموجودة في صفحة ستة من الملزمة ولو في اي حد مش فاهم اي مصطلحات او اي كلمات موجودة في هذه الاقتباسات ممكن يرسلني على آآ رسائل خاصة على حساب الفيسبوك - [00:13:16](#)

او في التعليقات الخاصة بالفيديو. وان شاء الله اجاوب عليه في نهاية الفيديو كالعادة لو كان الفيديو عجبكم اتمنى تعملوا لايك وشير. ومستني ارائكم ومقترحاتكم في التعليقات. ولو ما كنتش لسة اشتركت في - [00:13:35](#)

قناة اتمنى ان انت تعمل سبسكررايب الى ان نلتقي في فيديو قادم استودعكم الله الذي لا تضيع ودائعه والسلام عليكم ورحمة الله وبركاته - [00:13:50](#)